

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. I. Statuitur doctrina Thomistica.

[urn:nbn:de:hbz:466:1-74152](#)

cultum se & omnia sua referunt: ergo de facto
habent plures fines ultimos: quia quidquid ap-
prehenditur in ratione DEI, apprehenditur in ra-
tione summi boni, & finis ultimi.

Respondeo. Cum gentiles profanos Deos
coluerint, & colant propter temporalem aliquam
felicitatem, honores, divitias &c, potius in sua
commoditate, quam in ipsis Diis finem suum ultim-
um constitutere, posito tamen, quod etiam in
cultum deorum omnia sua referant, aut retule-
rint, eunc finem ultimum collocasse in omnibus
Diis simul sumpeis, quorum uni frugum uberta-
ten, alteri tempestatum, alij maris, voluntate
&c, patrocinium & gubernationem tribue-
bant. Ideoque plures Deos tanquam ultimos fin-
es partiales colebant. Ad probationem Re-
spondeo, quidquid in ratione DEI secundum ven-
tum & adaequatam rationem Deitatis appre-
henditur, illud apprehenditur sub ratione summi
boni, concedo, quidquid apprehenditur sub fal-
sa & partiali solum ratione Deitatis, nego.

Obijcies secundo. Dantur in intellectu plu-
ra prima principia, in qua omnia alia resolu-
vuntur, nec ipsa ad se invicem referuntur: ergo eti-
am in voluntate possunt dari plures fines sal-
tem negative ultimi, qui ad se invicem non refe-
runtur, ut si quis disparatim in volupitate & di-
uiis summanam suam felicitatem collocet.

ARTICULUS II.

In quo mortaliter peccans constitutus suum finem ultimum?

S U M M A R I A.

1. Peccans profane simpliciter ultimo habet bonum creatum.
2. Idque formaliter est proprium commodum peccantis.
3. Authoritas D. Augustini. 4. & D. Thomæ.
4. Naturæ uitia seipsum ultimam respicit.
5. Peccatum ex indiscretio zelo & ignorante vin-
cibili non habet DEum pro ultimo fine.
6. Quomodo fieri possit, ut DEUS amerit plus,
quam creatura, nec tamquam finis ultimus?
7. Proprium commodum per reflexionem in sappo-
stum peccantis sit finis determinatus.
8. Animus statim respicendi non tollit, quod mi-
nus peccans efficaciter habeat creaturam pro
fine ultimo.
9. S. Genesius Gonett.
10. Eligitur contraria, dicens, finem ultimum pec-
cantis esse bonum proprium inordinatum.
11. Quia iuxta SS. PP. ultimus finis peccantis est
bonum commutabile.
12. Idque obiectivè malum.
13. Respondeatur ad objectiones Gonetti.

S. I.

Statuitur doctrina Thomistica.

1. Suppono, quod omnis peccans mortaliter, quantu[m] ad affectum & interpretatiæ, con-
stituat suum finem ultimum simpliciter in bono
creato. Ita S. D. q. 28. d. Verit. a. 1. peccator,
inquit, quantum ad affectum præponit creatu-
ram creatori diligens plus creaturam, quam crea-
torum. Et crebro indicatur in S. Scriptura, ut
R.P. Metzg. Theol. Schol. Tom. II.

particulares & proximi fines intermedii quorumlibet peccatorum, lucrum avari, voluptas libidinis &c. Ita communis Thomistiarum.

3. Probatur primò auctoritate Divi Augustini I. 15. de civit. c. 28. dicentis: quod sicut amor DEI adificat civitatem caelestem, ut que ad contemptum sui sit amor sui adificat civitatem terrenam usque ad contemptum DEI. Ubi indicat originem peccatorum esse pravum amorem suipius, ita ut ipsemet peccator per ordinatum sui amorem sit primum movens in intentione, ex quo consequuntur operationes præmotæ ad contemptum DEI. Prout etiam indicavit apostolus ad Philip. 2. de peccatoribus dicens: Omnes querunt, qua sua sunt, non qua Jesu Christi. Ipse etiam Aristoteles I. 9. Eth. c. 4. & 8. afferuit: Pravus sui gratia agit, & tanto magis, quanto pravior est.

4. Probatur secundò auctoritate Doct. Angelici in 2. dist. 42. q. 2. a. 1. dicentis: Finis ultimus in amore commutabilium bonorum est ipse homo, propter quem omnia alia queruntur. Et infra q. 77. a. 4. Inordinatus amor sui est causa omnis peccati. & q. 8. a. 2. Finis in omnibus temporalibus acquirendus est, ut homo per illa quamdam perfectionem singularem & excellentiam habeat.

5. Probatur tertio ratione. Illud habet rationem finis ultimi, cuius intuitu catena omnia diliguntur, sed intuitu commodi & boni proprii a peccatore catena omnia diliguntur: ergo. Minor præter auctoritates præallegatas probatur. Omnis inclinatio tendit in bonum naturæ, in qua radicatur, est enim appetitus secundum naturam; sed effectus peccatoris est inclinatio naturæ sibi relata: ergo tendit in bonum proprium: ut econtra effectus justi, quia est ex gratia & charitate, est inclinatio naturæ participative Divina, id est quæ tendit in bonum Divinum.

§. II.

Solvuntur Objectiones.

6. Objecies primò: Potest aliquis peccare mortaliter, & nihilominus plus DEUM quām creaturam diligere: ergo peccator non semper constituit finem ultimum in creatura. Antecedens probatur multipliciter. Nam primum peccator aliqui est indiscreto zelo, existimantes se obsequium praestare DEO. De quibus apostolus Rom. 10. dicit, quod zelum quidem habeant, sed non secundum scientiam: Atqui talis creaturam DEO non praferret; siquidem peccaret ex nimio studio placenti DEO.

Secundo datur etiam peccatum ex ignorantia vincibili, quo quis facit actionem malam, existimans se per illam implere præceptum DEI: ut, si vincibili errore quis existimans se facere obsequium pieratis, occidat seipsum, uxorem aut liberos, ne veniant in partem infidelium. Quo casu similiter non peccat ex affectu inordinato erga creaturam, sed potius erga DEUM.

Tertio. Sit quis paratus furari, ita tamen, ut profuto nolit se expondere periculo vita; qui tamē sit paratus etiam cum periculo vita prosteri fidem; is utiq. plus DEUM amat, quām creaturam; siquidem vitam postponit DEO, non autem lucro pecuniariorum, & Christus ipse Jo. 13. dixit, quod nemo

habeat majorem charitatem, quām ut animam ponat pro amicis: & tamen iste peccat mortaliter per voluntatem furandi.

Respondeo, negando antecedens, & ad i. probationem nego minorem. Nam etiam, qui peccant ex imprudenti zelo, ex inordinato sui amore, inducuntur in eam Judicij pertinaciam, ut negligant disquirere, quām sit voluntas Dei ben placens & perfeta: unde non omnis, qui dicunt Domine, Domine, & quomodo cum honor Dei pro objecto lux & lumen praefigit, sed, qui cōmodō praefigit, quo Lex Divina prescribit, ille ex dilectione DEI operatur: alioquin seipsum magis, quām Deum amare convincitur. Eadem est responsio ad 2. probationem. Illa quippe negligit legem & obligationē inquirendi radicauerū proprio amore, virtualiter prælato Legi Divina.

Ad 3. probationem Respondeo. In illo casu huiusmo plus diligit DEUM sub ratione boni particularis, quatenus est finis operis, & proximum obiectum fidei, concedo, sub ratione finis ultimi & ut est finis operantis, nego. Item diligunt plus DEUM, quām creaturam, que est lucrum suum, concedo, quām creaturam, que est proprium commodum, nego. Si enim Deum plus diligunt, quām proprium communum, legem DEI amore proprii commodi non transgredierunt, ad auctoritatem ex Jo. 13. Respondeo. Hoc verum est, quando quis animam, h. e. vitam ponit expressivo amore DEI super omnia: non autem, quando ex sola firma adhäsione ad virtutem fideli (quamvis ut in Tract. d. fid. dicitur, Divina portentis non facile permittit martyrium, nisi ex charitate imperatum, tunc enim locum habere illud apostoli Cor. 13. Si traxidero corpus meum, ita ut ardeam, charitatem autem non habuero, nihil mihi prodest).

Objecies secundò. Finis simpliciter ultimus peccatoris debet esse determinatus: sed bonum proprium satiativum non est finis ultimus formalis in communi, quem omnes ex gratia iniusti appetunt: nemo enim est, qui non vellet ibi bene & beatè esse: ergo non est finis determinatus in particulari.

Respondeo distinguendo minorem. Bonum proprium satiativum in communi, ut præclaram a deordinata est recurva reflexionem in proprium suppositum est finis ultimus formalis in communi non determinatus, concedo, bonum, vel potius commodum proprium deordinata reflexus & restrictus ad proprium suppositum cum substitutione à regula superiori, nego minorum. Atque per ly proprium intelligimus illam curvam ac deordinatam reflexionem boni convenientis ad proprium suppositum, in quo peccator cum substitutione à Divina regula & vero fine ultimo pravè conquiscit.

Objecies tertio: qui peccatum committeret, nimo statim resipescendi, non efficaciter converteretur in creaturam ut finem ultimum, & tamen peccaret mortaliter: ergo non in omni peccato mortaliter creatura est finis simpliciter ultimus efficaciter intentus. Antecedens probatur a pari. Qui ageret penitentiam animo brevi iterum peccandi, non serio converteretur in DEUM ut finem ultimum: ergo pariter, qui committet